

裏證傷寒

心腹諸痛

疾飲

痢疾

泄瀉

秘結

腸食

腰痛

不能食

食亦

黃疸

傷寒

霍亂吐瀉

腹脹

痞氣

厥證

醫學六種第五冊

醫學金鍼卷三

醫學金鍼卷三

長樂陳念祖原本

吳縣潘 蔚增輯

裏證

傷寒

傷寒病。陽明經。大渴大熱。法用白虎湯。爲表中
之裏證。及其傳裏譫語。胃腹滿。不大便。爲裏中
之裏證。宜三承氣湯擇用。詳於傷寒門不贅。劉

河間先生用三一承氣湯代上三方。

○傷寒裏證詩

表中之裏是陽明。熱渴汗多白虎湯行。胃實

晡潮膨譫語。裏中之裏枳實黃平。三承氣湯

而用之。

白虎湯

見瘟疫

三一承氣湯

見瘟疫

大黃附子湯

此為寒熱互結剛柔並濟之和劑

大黃

貳錢

附子

炮貳錢

細辛

壹錢

水煎服

○歌曰

大黃附子細辛湯。半用辛溫半用涼。脈見緊弦寒已劇。脇旁偏痛效為良。

心腹諸痛

心痛

心為君主之官受邪而痛手足寒至節名真心痛不治此云心痛乃心胞絡痛也

胃脘痛

肺氣不調

胃脘痛

胃氣不和

兩脇痛

肝膽之病

大腹痛

屬脾

小腹痛

肝腎之病

昔人每證皆分別九種曰飲曰

食曰風。曰冷。曰熱。曰蟲。曰悸。曰注。曰去來。悸者。心虛而動痛也。注者。邪氣着而痛也。去來者。作止不常。亦邪氣也。但注陰而去來爲陽耳。其實是小家伎倆。不必泥也。宜以上中下兩旁部位分之。自心胷至腕胃爲上部。宜宣其陽氣。陽氣虛宜黃耆。氣實宜枳實。氣結宜貝母。瓜蘖皮。氣逆宜半夏。薤白。氣滯宜檀香。砂仁之類。自胃腕至臍爲中部。宜調其陰陽。仲景理中丸。以人參。

甘寒多液。甘草。味勝于氣。亦陰分藥。補陰。以白朮。乾薑。補

陽。爲萬古準繩。卽如通脈四逆湯。急于回陽。若

有腹痛。必加苦寒之芍藥。以養陰。黃連湯。重于

清火。因有腹痛。不離辛熱之薑桂。以開陽。此理

甚微。非熟于內經者。不可與語也。白臍下至陰

器爲下部。宜破其陰氣。金匱名爲寒疝。今人以

大爲疝。金匱則以所主皆附子。烏頭。蜀椒。大熱

腹中痛劇爲寒疝之性。扶陽以破陰。若前痛徹後。後痛徹前。陰陽

齊全咸
卷三
裏心腹諸痛
三

無分界限。宜加赤石脂壹貳兩以堵截之。而生薑當歸羊肉湯。藉羊肉之濁氣。引入陰分。以破陰。尤爲神妙也。脇肋一帶爲側部。宜利其樞轉。肝膽之氣。其行在側。小柴胡湯爲少陽之正藥。當歸四逆湯爲厥陰之正藥。或再加鮮橘葉肆拾玖片。則得矣。以上諸證。脈細而遲。寒也。以金桂附子吳茱萸之類爲主。脈大而數。熱也。以金鈴子黃連沙參芍藥之類爲主。痛而利者。虛也。

以附子理中湯之類爲主。痛而閉者。實也。以小承氣湯之類爲主。亦有寒實而痛者。宜大黃附子湯以溫通之。若吐蟲。則用附子理中湯。去甘草。加當歸。川椒。黃連。烏梅。若食積。則先以平胃散。加麥芽。山楂。以消導之。否則以承氣湯下之。若因怒氣而痛。則以七氣湯。加貝母。撫芎。香附以解之。人人共知。不必贅也。又仁齋直指治脾痛。攻刺。百藥罔效。用和劑抽刀散如神。心腹爲

醫學全錄 卷三
陰。故列於裏證。

○心腹諸痛詩

痛分四面定醫方。下主於陰上屬陽。介在陰陽中部位。樞行在側轉斯康。

黃耆湯 治氣虛諸痛

黃耆 壹兩
當歸 叁錢
肉桂 壹錢伍分

水煎服

枳實湯 治氣實諸痛

枳實 叁錢
半夏 肆錢
生薑 捌錢

水煎服

○歌曰

心腹諸方虛實詳。黃耆枳實兩名湯。虛宜者
桂當歸品。實證須知枳半薑。

丹參飲

治半虛半實諸痛

丹參

壹兩

白檀香

砂仁

各壹錢伍分

水煎服

○歌曰

心腹諸疼有妙方。丹參爲主義當詳。檀砂佐
使皆遵法。入藥咸知效驗彰。

苦萆半夏白酒湯

治實證

薤白

伍錢

苦萆

肆錢

半夏

叁錢

白酒貳杯煎服

○歌曰

胃脾不臥背連心。氣短還兼欬喘侵。薤伍夏

叁加肆苦。兩杯白酒一同斟。

理中湯

傷寒論方
見暑證

通脈四逆湯

傷寒論方
見暑證

黃連湯

傷寒論
治寒痛此方治熱痛

黃連

炙草

乾薑

桂枝

各壹錢半

人參

壹錢

半夏

貳錢

大棗

貳枚

水煎服

當歸生薑羊肉湯

治諸痛裏急並治寒疝腹中疴痛及產後腹痛不止

羊肉

伍兩

生薑

壹兩肆錢

當歸

玖錢

水捌杯煎至

叁杯每服壹杯日三服寒多加生薑痛多而

嘔加陳皮陸錢白朮叁錢

酌量加水

○歌曰

寒疝腹痛貴扶陽神妙歸薑羊肉湯多嘔再

加陳與朮。若論堵截赤脂良。

小柴胡湯

方見傷寒表證。治脇痛多嘔寒熱往來。若腹中急痛。先服小建中湯。

再服

小建中湯

卽桂枝湯原方。加膠飴伍錢。水煮去滓。納飴微火消解。

○歌曰

腹中急痛建中方。脇痛因由屬少陽。柴草參

苓薑夏棗。轉樞側部小柴良。

當歸四逆湯

傷寒論。治手足厥冷。脈細欲絕者。

當歸 白芍 桂枝各貳錢 炙草 細辛

木通各壹錢 大棗肆枚 水煎服。寒者加生薑。吳

茱萸各貳錢。酒水各半煎。

金鈴子散治諸痛服熱藥更甚者

金鈴子去核 元胡索各等分 研末。清酒下貳叁錢。

○歌曰

金鈴胡索等同研。清酒連吞壹貳錢。脈大而洪。拋熱藥。就中加減效如仙。

七氣湯

治七情氣逆諸病

茯苓

叁錢

半夏

厚樸

各貳錢

紫蘇葉

壹錢

加生薑叁片水煎服

○歌曰

壹蘇貳樸夏苓叁。七氣湯能祛疾煩。因怒再加芎附貝。人人共解不須譚。

和劑抽刀散

川白薑

伍個剉入巴豆肉壹錢糯米

陸兩壹錢炒黃

良薑

伍兩入斑蝥貳拾伍個同炒至蝥黑去蝥

石菖蒲

伍兩半不炒

右爲末每服貳錢空心溫酒調下

○歌曰

抽刀散自異人傳。怪底醫家祕不宣。川白良

薑菖米外。巴斑並炒宿疴痊。

滑氏補肝散

治肝虛脇痛目昏爪枯遇勞卽甚或忍饑便發

酸棗仁

肆錢炒

熟地

白朮

各壹錢

當歸

山茱

肉山藥

川芎

木瓜

各壹錢伍分

獨活

五

味子

各叁分

爲末。每服伍錢。水煎服。

○歌曰

肝虛脇痛補肝施。錢半歸芎瓜藥棗。酸棗肆

錢須炒熟。叁分味活助筋舒。

龍薈丸方

治肝火脇痛脈弦急數實口酸痛甚煩渴二便不通

龍膽草

當歸

并酒洗

梔子

黃連

黃柏

黃芩

各壹兩

大黃

酒浸

青黛

蘆薈

各伍錢

木香

貳錢伍分

麝香

伍分

蜜丸。小豆大。薑湯下貳叁拾